

2021 年高師大原住民族語朗讀【海岸阿美語】編號 1 號

O finacadan no Pangcah 阿美族群

1. Na masolinga' mawasil ko Pangcah, itiya ho finacadan.  
makomod no Dipong ko Taywan, pakayni han nangra  
i ngarngar no sowal mikalalima a misasieked ko  
Pangcah.
2. Ira ko no'amisan a Pangcah, Siwkolan a Pangcah, No  
walian a Pangcah, Falangaw a Pangcah ato Palidaw a  
Pangcah, nano to'as itini i Kalingko ato i Posong a  
malaklak, O Pangcah kako anca O 'Amis kako saan  
ko pangangan.
3. Itini i laeno a misilsil pakafana' tona lima a
4. Sakacecay, No'amisan a Pangcah, Itini i  
masadahtalay a pala mingataay to riyar a pala  
paloma', na itira i Cingaroan tala'amis tangasa i  
taliyok no Nafakowan ko pala.
5. Sakatosa, o Siwkolan a Pangcah, na itira i tarawadaw  
no Kalingko talatimol tangasa i Cilamitay, nawhani  
maemin paniyaró' i lawac no Siwkolan a tarawadaw  
sa mapangangan to Siwkolan a Pangcah.

6. Sakatolo pasawalian a Pangcah, itini i nowalian a lotok, mililis to riyar, mifater to Kalingko na itira i Fakong talatimol tangasa i Madawdaw, saka pasawali a Pangcah han,
7. Sakasepat o Falangaw a Pangcah, na itira i Madawdaw talatimol tangasa i Tamali, nawhani, maemin maro' i Posong taliyok no Falangaw a niyaro' sa o Falangaw a Pangcah han.
8. Sakalima, o Palidaw a Pangcah, mararaay ko paniyaro'an nangra, satimolan to no kasafinacadan, malaklak paniyaro' i Fanaw, Palayapay
9. ato i Kangcang, nawhan itira i Palidaw ko lilengawan sa Palidaw a Pangcah han.
10. Na misatapang i saka enem polo' a miheca, mafalic to ko kicay no siyakay no Taywan, 'aloman to ko kapah miliyas to niyaro' tayni i Tokay mikilim to saka'orip, saka ira to anini ko i Tokayay a Pangcah hananay.